

LEDSCHA D'IMPOSTAS DA LA CORPORAZIUN EVANGELICA DA ZERNEZ

I. Disposiziuns generalas

Art. 1 *Oget da la ledscha*

La Corporaziun evangelica da Zernez edscha seguaintas impostas a basa dal dret chantunal:

- a) ün'imposta süllas entradas e sülla facultà
- b) ün'imposta supplementara ed ün'imposta penala

Art. 2 *Dret subsidiar*

Fin tant cha quista ledscha nu cuntegna ingünas regulaziuns, vegnan applichadas in sen analog las disposiziuns da la ledscha davart las impostas cumünalas e davart las impostas da baselgia, sco eir las ledschas d'impostas dal cumün e dal chantun.

II. Dret material

Art. 3 *Pè d'impostas*

L'imposta süllas entradas e l'imposta sülla facultà vegnan inchaschadas in üna procentuala da l'imposta chantunala simpla.

La radunanza generala da la Corporaziun evangelica da Zernez fixa il plü tard d'ürant il mais da december il pè d'impostas per l'on fiscal seguaint.

Art. 4 *Subject d'impostas*

In oblig da pajar impostas sun tuot las personas commembras da la Corporaziun evangelica da Zernez ed eir tuot las personas evangelic-refuormadas chi sun in oblig tenor dret chantunal da pajar parzialmaing impostas a Zernez.

L'oblig da pajar impostas as drizza tenor la commembranza da la baselgia da las singulas personas per la fin da la perioda fiscal e tenor las prescripziuns da la ledscha chantunala d'impostas.

In lais confessionalmaing masdadas sun ils factuors per las impostas da baselgia da scumpartir tenor la commembranza dals conjugals.

III. Dret fuormal

Art. 5 Autoritats ed organs respunsabels

Per l'execuziun da quista ledscha sun respunsabels, cun excepziun da las dumondas regladas suot alinea duos, las medemmas autoritats ed ils medems organs chi portan la respunsabilità per las impostas cumünalas.

In regard al dovair subjectiv da pagar impostas, es autorisà da decider il consistori da la Corporaziun evangelica da Zernez.

Art. 6 Scadenza e surdatta

Las impostas da baselgia scadan insembel cun las impostas cumünalas.

Las impostas da baselgia sun da pagar al listess termin sco las impostas cumünalas.

IV. Disposiziuns finalas

Art. 7 Vigur

Quista ledscha es gnüda approvada da la radunanza da constituziun da la Corporaziun evangelica da Zernez dals 18 november 2015. Ella aintra in vigur als 1. da schner dal 2016.

Cun l'entrada in vigur da quista ledscha, vegnan abolidas tuot las ledschas e disposiziuns plü veglias chi stan in cuntradicziun cun quista ledscha.

Zernez, als

Pel consistori da la Corporaziun evangelica Zernez:

Il president:

L'actuar:

Per la baselgia chantunala:

Il president:

Il secretari: